



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Dioecesis Paderbornensis Rituali Romano accommodata

Hermann Werner <Paderborn, Bischof>

Paderbornæ, 1753

De exequiis adultorum.

urn:nbn:de:hbz:466:1-36023

primum poterit, in locum sacrum transferatur, & interim semper Crux capiti ejus apponatur,

Arcendi autem sunt ab Ecclesiastica Sepulturâ,

Primo. Pagani, Judæi, omnes infideles, hæretici, & eorum fautores, Apostatæ à Christianâ fide, schismatici, publicè excommunicati majori excommunicatione, nominatim interdicti, & ii, qui sunt in loco interdicto, eo durante.

Secundo. Se ipsos occidentes, nisi id ex insania accidat, & ante mortem dederint signa pœnitentiæ,

Tertio. Morientes in duello, etiamsi ante mortem dederint signa pœnitentiæ. Item Manifesti & publici peccatores, qui sine pœnitentia perierunt. Infantes etiam mortui sine baptismo.

Quarto. Omnes ii, de quibus constat publicè, quod semel in anno non susceperint Sacramenta Confessionis & Communionis in Pascha, & absq; ullo signo contritionis obierint.

Ubi verò de his dubium occurrerit, ordinarius consulatur.

De Exequiis adultorum.

Cum defectu cantorum, aliorumq; ministrorum Romani ritualis cæremoniæ aliorumq; locorum usurpari nequeant, & agenda diocesana hucusq; desuper nihil ordinavit, hinc factum est, ut qui vis Parochorum pro suo sibi affectu certum mortuos sepeliendi ritum præscriperet, adeoq; tot sint ferè cæremoniæ, quot Pastores & Parochiæ; hinc attendentes universorum utilitati, ut qui in unâ fidei professione convenimus, etiam in ritu sepeliendorum fidelium non discrepemus, placuit facilem aliquem modum præscribere, quem omnes observare poterunt, & teneantur; exceptis iis, quibus placuerit se Romano rituali accommodare.

Adulti igitur mane horâ constitutâ à Parocho sepeliatur, & convocetur clerus aliisque populus signo campanæ, qui in Ecclesia vel ædibus defuncti juxta consuetudinem loci conveniant, & cum Parocho induto superpelliceo & stola nigra, præcedente cruce & aqua benedicta, ordine ad domum defuncti procedant, cerei accenduntur & Parochus ad primum introitum aspergit eam aqua benedicta dicens.

Rore cœlesti reficiat animam tuam Deus in nomine Patris & Filii & Spiritus sancti.

R. Amen.

Deinde subjungit Psalmum vel 50. Misereere &c. vel 129 de profundis,

Misereere mei Deus: Secundum magnam misericordiam tuam.
Et secundum multitudinem miserationum tuarum: dele iniquitatem meam.

Amplius lava me ab iniquitate mea: & à peccato meo munda me.

Quoniam iniquitatem meam ego cognosco; & peccatum meum contra me est semper.

Tibi soli peccavi, & malum coram te feci: ut justificeris in sermonibus tuis, & vincas cum judicaris.

Ecce enim in iniquitatibus conceptus sum; & in peccatis concepit me mater mea.

Ecce enim veritatem dilexisti: incerta & occulta sapientiæ tuæ manifestasti mihi.

Asperges me domine hyssopo, & mundabor: lavabis me & super nivem dealbabor.

Auditui meo dabis gaudium & lætitiã: & exultabunt ossa humiliata.

Averte faciem tuam à peccatis meis: & omnes iniquitates meas dele.

Cor mundum crea in me Deus: Et spiritum rectum innova in visceribus meis.

Ne

Ne projicias me à facie tua: & Spiritum ſanctum tuum ne auferas à me.
Redde mihi lætitiã ſalutaris tui: & Spiritu principali confirma me.
Docebo iniquos vias tuas: & impii ad te convertentur.

Libera me de ſanguinibus, Deus, Deus ſalutis meæ: & exultabit
lingua mea juſtitiam tuam.

Domine labiã mea aperies, & os meum annuntiabit laudem tuam.

Quoniam ſi voluiſſes, ſacrificium dediſſem utiq;: holocauſtis non
delectaberis.

Sacrificium Deo Spiritus contribulatus: cor contritum & humiliatum
Deus non deſpicias.

Benigne fac Domine in bona voluntate tua Sion: ut ædificentur muri
Jeruſalem.

Tunc acceptabis Sacrificium juſtitie, oblationes & holocauſta: tunc
imponent ſuper altare tuum vitulos.

Requiem æternam dona eis domine: & lux perpetua luceat eis.

Pſ. 129.

DE profundis clamavi ad te Domine: Domine exaudi vocem meam.

Fiant aures tuæ intendentes: in vocem deprecationis meæ.

Si iniquitates obſervaveris Domine: Domine quis ſuſtinebit.

Quia apud te propitiatio eſt: & propter legem tuam ſuſtinui te domine.

Suſtinuit anima mea in verbo ejus: ſperavit anima mea in domino.

A cuſtodia matutina uſque ad noctem: ſperet Iſraël in domino.

Quia apud dominum miſericordia: & copioſa apud ipſum redemptio.

Et ipſe redimet Iſraël: ex omnibus iniquitatibus ejus.

Requiem æternam &c. *Dein flexis genibus.*

Kyrie eleiſon &c. Pater noſter &c.

V. Et ne nos inducas in tentationem. *R.* Sed libera nos à malo.

V. A porta inferi. *R.* Erue Domine animam ejus.

V. Dominus vobiscum. *R.* Et cum Spiritu tuo.

Oremus.

Absolve quaſumus Domine animam famuli tui *N.* ut defunctus ſæculo tibi vivat, & quæ per fragilitatem carnis humanã converſatione commiſit. Tu venia miſericordiſſimæ pietatis abſterge. Per Chriſtum Dominum noſtrum. *R.* Amen.

V. Requieſcat in Pace. *R.* Amen.

Aspergit tumbam & circumſtantes aqua benediſta, & ſtatim portatores ſuſcipiunt, & fit ordinata proceſſio ad Eccleſiam. Ad elevationem tumbæ cantores ſtatim incipiunt canere *Pſ. Miſerere.* vel alium hymnum pium, quem proſequuntur uſq; ad Eccleſiam.

Cum perventum fuerit ad Eccleſiam, depoſitam tumbam pedibus laiei verſus altare verſis. Sacerdotis vero capite verſus altare poſito, aspergit parochus aqua benediſta, & vadit ad Sacriſtiam, induit veſtes ſacras & incipit miſſam pro defuncto.

Finito ſacro, ubi moris eſt, habet concionem funebrem ad populum, quam tamen ita ordinet, ut potius ſalutem auditorum, quam vanitatem & inanem gloriam ſpectet finitã concione, ordinata fit proceſſio ut prius ad tumulum, & canitur.

De Exequiis aduultorum.

41



Li bera me Do mine, de mor te æ ter na



in di e il la tremen da: Quando coe li



mo ven di sunt, & ter ra: Dum ve-



ne ris ju di ca re sæ culum per



ig nem. V. Tremens factus sum ego, & ti meo



dum discuf si o ve nerit atque ven tu ra i ra.



Quan do coe li mo ven di sunt & ter ra. V. Dies



il la, di es i ræ, ca la mi ta tis & mi se ri æ,



di es magna & a ma ra Val de. Dum venetis, &e

ut supra

G

Re



Si sepulchrum longius distet ab Ecclesia, posset huic Responsorio psalmus de profundis, vel alius quispiam præponi, ita ut sub hoc Responsorio sepulchrum claudatur.

Cum perventum fuerit ad sepulchrum, deponitur tumba, quæ ut primum est in sepulchro, aspergatur aqua benedicta, & tertio per pastorem mittatur super eam aliquid terræ. Quo facto, statim cooperiatur sepulchrum. Quo cooperito canat chorus, Media vita, Quo finito Sacerdos.

✠. Peccavimus Domine cum Patribus nostris.

✠. Injuste egimus, iniquitatem fecimus.

Oramus.

Adjuva nos Deus salutaris noster, adjuva nos in tribulationibus, quæ invenerunt nos nimis, & intercedente pro nobis Beata & gloriosa semper virgine Dei genitrice Maria, cum sanctis Apostolis Petro & Paulo, atq; B. Andrea cum omnibus sanctis adjuva nos, misertus nostri, & miserere: quia miseri facti sumus in peccatis nostris: & ne permittas nos, sicut meremur, hic pessima morte finiri: sed dic angelo percutienti, sufficit, jam cesset manus tua, ut locum poenitentiae mereamur habere. Per Christum Dominum nostrum. Amen.

Deinde postulet adhuc unum pater & ave pro defuncto à circumstantibus, & pro defunctis, sepultis in cœmeterio, & unum Pater pro eo, qui primus ex præsentibus moriturus est, ut in gratia discedat. His finitis, sub silentio cum cantoribus redit ad Ecclesiam, & sic sepultura finiatur.

De Exequiis Parvulorum.

Cum puer baptizatus defunctus fuerit antè usum rationis, induitur juxta ætatem, & imponitur ei corona de floribus, seu de herbis aromaticis, & odoriferis, in signum integritatis carnis, & virginitatis, & parochus superpelliceo, & stola alba indutus, & alii de clero, si adsint, præcedente Cruce, quæ sine hasta defertur, accedunt ad domum defuncti. Sacerdos aspergit corpus aquâ benedictâ, deinde dicit ps. 112.

Laudate pueri Dominum: Laudate nomen Domini.
Sit nomen Domini benedictum: ex hoc nunc & usque in sæculum.

A solis ortu usque ad occasum: laudabile nomen Domini.

Excelsus super omnes gentes Dominus: & super cœlos gloria ejus.

Quis sicut Dominus Deus noster, qui in altis habitat? & humilia respicit in cœlo & in terra.

Suscitans à terra inopem: & de stercore erigens pauperem.

Ut collocet eum cum principibus: cum principibus populi sui.

Qui habitare facit sterilem in domo: matrem filiorum lætantem.

Gloria